

իւրեանս բաժինն առնէին, թէ՛ խաչ և թէ սկիւն ի տունս
 իւրեանց արգելուին, ծախէին և ի հալոց տային^(*):
 Զմի բարութիւնս ոչ տեսաք զնոցունց կամ զյիշա-
 տակս եկեղեցոյն և կամ զպայծառութիւն կամ զչի-
 նութիւն, այլ միայն զվերոյ ասացեալս բազում ի-
 մասցիս եւեթ՝ զաղօտութիւն, զպակասութիւն եւ
 զնուազութիւն. և ի վերոյ այսր ամենայնի պարտ ի վե-
 րայ պարտուց եղեալ յինքեանց, եւ ի ձեռս բռնաւո-
 րացն բազում անգամ զեկեղեցին կնքել տային եւ
 մնայր աւուրքք վակեալ, եւ անմեղ քրիստոնեայք
 եկեալ յաղօթս որ տեսանէին զայն, բախէին զկուրծս
 եւ դառնային: Եւ զհասս եկեղեցոյն՝ խնկին եւ մո-
 մին, մահուան եւ կենաց. կեղեքէին զանմեղ քրիս-
 տոնեայս եւ ի պիղծ սէրս իւրեանց, ի գրօսանս եւ ի
 գինէտունս ուտելով մսխէին եւ զուարճանային այնու
 զրամով⁽⁻⁾: Եւ ի ժամանակ հարկապահանջութեան ան-
 կեալ ընդ իրեարս թէ Դու տո՛ւր զայն, և նայ՝ զայս,
 եւ ի կուռեին ընդ միմեանս զտուգանս անտի տային
 առ ի յաղթելոյ զմիւս կողմն^(**): Նաեւ ի տարւոջ
 մի զմիրին ի ժողովրդենէն ժողովեցին. վասն որոյ
 ծեծս բազում հայհոյութեամբ եթէ Քո ուտելն հերիք
 է եւ բաւ, ես եղեց ակոռակալ եւ երեսփոխան^(***):
 Բանակ բանակ եղեալ զմիմեանս յաղթելոյ կային եւ
 ի նոյն սակին Պօղոսեանք և Ապողոսեանք վերեւէին:
 Յայտ է այսոքիւք որ արիւն և թարախ, զի անիրա-
 ւութեամբ ժողովելն՝ ցրուի և անիրաւութեամբ, զի
 գործիք եւ արարմունք չէր իրաւունք եւ արդարու-

(*) Սուրբ Նիկողոսոսցիք:
 (***) և Պալատցիք:

(**) Սուրբ Գէորգեցիք:

(-) «Ոչ կամեցաւ նա իմանալ զբարի. զանօրէնութիւն խորհեցաւ յան-
 կողմի իւրում. եկաց նա ամենայն ճանապարհ որ ոչ է բարի և ի չարի նա
 ոչ ձանձրացաւ»: